



**Hortulus Biblico-Moralis Et Asceticus**

**Pappus von Tratzberg, Franz**

**Ulm, 1725**

Doctrina 4. Desumpta ex capite 31. & 32. lib. Exodi, in quibus describitur  
Præceptum de exacta observanita Sabbathi, adoratio vituli, triginta  
millium hominum interitus.

---

[urn:nbn:de:hbz:466:1-61252](#)

non prius ausum, sub regios ire oculos, antequam tonsus novâque indutus esset ueste: nec ulli licuisse proprius accedere Assverum, qui faccum togæ loco ferebat. Quanto minus lieceat, propositque homini, in squalido peccatorum sacco, in impexo ac intenso corde, in scissâ innocentia ueste se sistere Regi Regum? Moyses ipse vir Deo charissimus, accessurus ad visionem Rubi iussus est Exodi 3. *Solvere calceamenta*, opera videlicet mortua. Homo ille, qui Matth. 22. nuptiali non indutus ueste, convivio solemnii interesse præsumperat, inde electus, & detrusus est in tenebras exteriores: quid ergo gratiæ exspectet ille, qui in summa disgratia Dei constitutus, illum accedere non veretur? hinc passim sacræ testantur Paginæ: tales oratores abominabiles esse Deo. *Iniquitates vestrae divisorunt inter vos & Deum vestrum, & peccata vestra absconderunt faciem ejus, ne exaudiatur.* Isaïæ cap. 59. *Quare Christiane Lector, ne Deo supplicans, repulsam patiaris, Sancti Petri monitis morem gere, Pœnitentiam præmittendō. Imiteris serpentes, quos Christus imitandos tibi proponit. Hi priusquam corpora immittant aquis, venena deponunt. Depone & tu, flumen Dei per orationes accessurus, venena peccati per veram & dolorosam confessionem. Utque sacrificium precum tuarum eò gratius acceptiusque reddatur Deo: hinc adde Oleum, nempe Misericordiam erga pauperes.* Altare tuum Christus est, ait S. Bonav. Serm. 2. Dom. 5. Pentec. *Quod in paupere vel in mente ubique invenies. Cogita, cui potum præbes & perhorrescas. Cogita, quia sacerdos Christi fias: cum propriâ manu ei offeras non carnem, sed aqua frigida calicem.* S. Chrysostom. homil. 46. in Matth. 13.

Demum ad perfectionem sacrificii orationis tuæ adde Thymia-  
ma, de quo agitur in cit. capite. Conficiendum illud est ex variis  
virtutibus, quas inter Primatum habeat Humilitas: hæc namque te-  
ste Eccles. 35. *Nubes penetrabit, & donec propinquet, non consolabitur.*

## Doctrina 4.

*Desumpta ex capite 31. & 32. lib. Exodi, in quibus describitur Preceptum de exacta observantia Sabbathi, adoratio vituli, & triginta millium hominum interitus.*

A.114. Considera 1. **Q**uod si Deus tam exactum Sabbathi Cultum impe-  
raverit: Ut homo opus tantummodo physicum il-  
lā

lā die faciens , morte delictum luere debuerit : quantam mereantur pœnam Christiani , qui tot opera moraliter mala , & quæ Apostolus vocat *opera tenebrarum* , perpetrare in Sabbatho præsumperint ? olim Jerosolymis Templum Deo sacratum exerat Salomon : sed mox in contrarium duos Lucos fieri curavit Jeroboam , & in eisdem duos vitulos aureos , unum in *Bethel* , alterum in *Dan* , ad avertendum à Cultu divino Populum . Haud secus proh dolor ? Diabolus hominidū agit : ut divinum Sabbathi cultum subvertat , & Christianos ab observantia festorum dierum abductos , suum trahat ad obsequium , erigit plures Lucos , Locos videlicet , in quibus convivia , choreæ , Ludi , Spectacula Theatrorum aliaque tenebrarum opera exercitantur . Imperaverat quondam Deus Pharaoni , per os Moysis eum allocutus : *Dimitte Populum meum , ut sacrificet mihi in deserto* . Reponet ille , duris intonans verbis : *Ite ad onera vestra* . Non dispari modō Deus nunc præcipit Christianis per ora Sacerdotum , è cathedris loquentium : vocate meo cultui Die Sabbathi , insistendō fundendis præcibus , devotè audiendis Missis , attentē auscultando concionibus , legendō spirituales libros , instituendō Sacra colloquia , invisendō ægrotos , vel in carceribus detentos , consolandō mœstos &c. Reponit illico Diabolus tartareus ille Pharao ; his diebus indulgenda est quies corpori , laboribus per hebdomadem lassato : reparandæ sunt vires per delicatos cibos , per lauta convivia : recreandus est animus per ludos , per choreas , per spectacula , per vocationes . Et ecce ! maledictum hoc Dæmonis Imperium apertas reperit aures , promptosque ad obtemperandum animos . Multos enim reperire est , qui vix auditâ Missâ ( & utinam debitè auditâ ) convolant ad hospitia , ubi in seram usque noctem comeditur , bibitur , luditur , saltatur ; contra quos non ego , sed Deus ipse per Malachiam c. 2. intonat : *Dispergam super vultum vestrum sterlus ( 70. legunt ventriculum ) solemnitatum vestiarum* . Ut enim ventriculus optimos ac delicatissimos cibos destruit , atque in sterlus convertit : ita illi festivitates sacras in porcorum fordes & spurcitas convertunt . Vituperant illi Judæos , quod vitulo aureo divinos detulerint honores eā die , quā Aaron clamavit ad Populum : *Cras solemnitas Domini est* . Et le non vituperandos esse putant , si in ipsa solemnitate Domini carneum adorent vitulum , ventrem videlicet suum eō cultū , quem de Judæis narrat Exodus c. 32 . *Sedit populus manducare , & bibere , & surrexe-*


rexerunt ludere. Adeò , ut Antisthenes Philosophus , quod olim de Barbarorum festivis diebus interrogatus dederat responsum , nunc etiam de Christianorum quorundam haud dubiè daret , afferens : Festum esse gulæ irritamentum , & luxuriæ occasionem . Non vero , dicam cum S. Gregorio Naz. Orat. 6. Animi relaxationem , sed petulantiam coérceo . Sed nunquid honestæ relaxationis nomen merentur convicula bibonum , ubi principale negotium spongiae instar se vino imbuere ? bibunt quidem sordidissimæ bestiæ , sed bibunt , quia sitiunt , cùm tamen illi bibant , ut sitiant . Nunquid intra limites honestæ relaxationis est : plurimas diei noctisque horas inter lasciva verba , inter gestus impuros saltandō consumere ? erat Judæis vetitum , die Sabbathi viam confidere sexcentis passibus longiorem : sed nunquid isti saltandō non ultra mille passus formant , eoque magis vetitos , quò magis sunt obliqui ; redundunt inde saepe numero magis fatigati , quām si integrā die laborāssent , manibüs scindendō ligna . Incompertō est : Judæum illum , qui Num. 15. die Sabbathi ligna collegerat , jussum à Deo lapidibus obrui : quid ergo mereantur Christiani , qui ducendō choreas die Festō somitem libidinis conquirunt ? nonne hæc facta Christianorum considerans , exclamem meritò cum Jerem. Thren. 1. Viderunt eam hostes , & deriserunt Sabbathum ejus . Viderunt juratissimi Christiani Nominis hostes ipsi Dæmones . Et cur non rideant : si videant , dies saluberrimæ animarum quieti destinatos , tam nefandis laboribus consumi ? cur non rideant , si videant : tot horas soli Deo consecratas , suo cultui varia perpetrandō peccata impendi ? cur non rideant , si videant , tempus illud , quod obtinendo à Christianis Cœlo deputatum est , pro merendo in pœnam orco collocari ? audiatur epilogi loco S. Greg. M. lib. 5. moral. dicens : Hostes Sabbathum videntes irrident , cùm maligni Spiritus ipsa vacationis otia ad cogitationes illicitas pertrahunt , ut unaqueque reproba anima , quò remotior ab extraneis actionibus servire Deo creditur , eò magis eorum Tyrannidi illicitæ perpetrando simulatur .

N. 115. Considera 2. Plurimos Christianorum reperi , qui tempore calamitatis ad Deum quidem per servidas preces confugiunt : at non statim ab illo exauditi , & votorum suorum compotes facti , Israëlitarum instar fiunt Moræ impatientes , & cogitant de fabricandis Diis , qui eos ope auxiliòquè suò præcedant . Ita inquam non pauci adversante fortunâ ad incitas redacti cogitant de acquirendo divitum favo-

favore per servitia etiam divinæ legi repugnantia. Alii à Barbaris aut Hæreticis capti, & durâ servitute pressi, præstantissimum animæ suæ ornamentum (quod est Fides) cum Israëliticis mulieribus osterrunt, sacra omnia Religionis suæ abjurantes. Alii diversis doloribüs & morbis vexati, confugiunt ad superstitione medicamina. O Christianos, ipsis Paganis detersiores! nam mulier alienigena Matthæo teste c. 15. accedit Christum, clamans: *Miserere nabi fili David! filia mea à Demonio vexatur.* Quid ad tales preces afflictæ responderet Salvator? non unicum auditur proferre verbulum. Rigorosò hōc silentiō repulsam passæ mulieris Patrocinium assumunt Apostoli rogantes v. 23. *Dimitte illam, quia clamat post nos.* Sed & hi surdas aures reperiunt. Verū mulier nondum moræ impatiens, nondum fiduciam semel conceptam exuens preces duplicat, & tandem vincit. Sicut meritò ægrum deserit Medicus, quando is non statim primō pharmacō sanatus, alium assumbit, & consultit: ita meritò divinam denegat Christus opem illis hominibus, qui tam infirmæ sunt fiduciæ, ut ad pri-mas preces non illico exauditi desponteant animum, eorum militum æmuli, qui hoste non primō impetu prostratō, arma abjiciunt, & fugam capessunt. *Factus est Ephraim (Israëlitæ) querebatur olim Deus Oleæ 7. quasi columba seducta, non habentes, cor: Ægyptum invocabant, ad Assyrios abierunt.* q. d. sicut columba facile à suo Domino & columbari recedunt, jungentes se alienis columbatum gregibus: nunc huic, nunc illi, sic Populus meus me derelictō opem nunc Ægyptiorum, nunc Assyriorum imploravit, necessitate pressus: Quare defeli a me desertā fiduciā meritò debuit. Hinc Christiane Lector te adhortor verbis Ecclesiastici c. 17. dicentis: *Sta in sorte propositionis & orationis altissimi Dei.* Etsi in cameris Regum & Principum non statim expediantur causæ, sed quandoque longiori tempore exspectandum sit: non tamen ab urgendo desistes processu: ita licet preces tuas divinus non ocios sequatur annutus, tamen à continuandis illis nequaquam cessandum est. *Quos lapides non movit Dalila, quid laboris infatigata non adhibuit, ut aurum sibi promissum venaretur, secretō conjugis detecto?* ter delusa à Samsone, non destitit importunis precibüs eum fatigare, & impugnare, donec expugnārit. Ager ille Evangelicus etiam 38. annis salutem exspectaverat, instanter suum experiēdō sortem, quoties aquæ contingebat motus: tametsi cogeretur experiri, se ab aliis præventum; nec tamen inde despontit animum, donec Christi Misericor-

U

sericordiam sentiret. Hoc exemplum Christianis objiciens Chrysostom. 35. in Joan. inquit: *Pudeat nos, & incredibilem socordiam nostram deploremus: Triginta octo annos ille exspectaverat continuos; nec ejus impletum est desiderium, nec id culpâ aut negligentia ejus factum est; nec propterea desperavit. Nos autem si vel decem dies orationibus invigilantes non exaudimur, jam tenebimus.*



## FASCICULUS XIX.

### *Doctrinarum Moralium & Asceticarum.*

#### Doctrina I.

*Desumpta ex cap. 33. & 34. lib. Exodi, in quibus describitur data venia perduellibus, pœnitentiam agentibus, Moysis preces, & promissiones divinae ei factæ. Moysis reditus in Montem nullò comitante. Legum receptio.*

N. 116. Considera I. **T**antam esse Bonitatem & Clementiam Dei: ut majora sèpè Beneficia peccatoribus impertiatur post lapsum, per pœnitentiam ad se denuò reversis, quam possederint antè. Enim vero perduellibus Israëlitis promittit v. 2. citati cap. missurum se eis præcursorum Angelum, qui eos ducat in terram melle & lacte fluentem. S. August. in Psal. 70. scribens asserit: *Considerans vitam meam preteritam video, quid mihi debebatur, & quid acceperim ab eo, quod mihi debebatur. Debebatur mihi pœna, sed redditum est mihi gratia, debebatur Gehenna, sed data est mihi vita eterna.* Exeuntes Pharisæi, ut refert Matth. c. 12. Consilium inière adversus Jesum, quomodo eum perderent? quid hostilibus hisce machinis ulti opponit Salvator? nunquid fulmina pluit super Judæam? hem! respondebat Evangelista: *Secuti sunt eum multi, & curavit omnes.* Reponens non tantum bona, sed & optima pro malis, quæ in sacramum ejus Corpus machinati fuerant Israëlitæ; quare Jeremias Propheta descriptis prius Populi peccatis subjungit nomine Dei cap. 3. *Non desinam benefacere.*

*Quod Justos Deus diligit, non miror: Quia Recti diligunt illum.*

*Quod*